



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Ioannis Ioviani Pontani amorum libri II.**

**Pontano, Giovanni Gioviano**

**Venetiis, 1518**

De palma Bitontina & Hydruntina.

**urn:nbn:de:hbz:466:1-13534**

## ERIDANORVM

Sed deus est qui corda hominum, qui pectora mulcet,  
Et mulcet gratis illaqueat et illa modis.  
Quique puellarum mentes regit, et regit artem,  
Et thalami sanctas sancit amicitias.  
Nam quodcumque in amore malum quodcumque molestum  
De uitis hominum semina certa trahit.  
Hinc iuuenes, illinc peccant et utrinque puellae,  
Ut contra nequeat sistere solus amor.  
Hinc puer, hinc arcu, facibusque armatus, et ignis  
Et cæta spargit spicula cæta manu.  
Blande puer, deus ipse, deus facilisque, potensque  
Salve amor, et generis conciliator aue.

## DE PALMA Bitontina et Hydruntina.

Rundusii latis longe uiret ardua terris  
Arbor Iudicæis usque petita locis.  
Altera Hydruntinis in saltibus æmula Palma.  
Illa uirum referens, haec muliebre decus.  
Non uno creuere solo, distantibus agris.  
Nulla locifacies, nec socialis amor.  
Permansit sine prole diu, sine fructibus arbor.  
Vtrique frondosis et sine fruge comis.  
At postquam patulos fuderunt brachia ramos,  
Cœpere et cœlo liberiore frui.  
Frondosique apices se conspexere, uiri que  
Illa sui uultus, coniugis ille suæ.  
Hausere et blandum uenis sitientibus ignem,  
Optatus foetus sponte tulere sua.  
Ornarunt ramos gemmis, (mirabile dictu,) non  
Impleuere suos mille liquente fauos.

Mirum, si ex oculis et amor sua spicula iactat.

Et Venus accensas spargit ab ore faces?

Mirum, si Eridanus si uel regnator aquarum

Rore suo nostras temperatusq; faces?

### DE FESTIS · Martinalibus.

m Artinum coniuua satur'q; , et potus adoret,

Hunc nobis ritum Gallia prima dedit.

Hunc patres tenuere, tenent nunc Itala regna

I' puer, et multo pocula tinge mero.

Diue faue, nunc te colimus, tua templa ueremur,

Et numen felix ducimus esse tuum.

Diue assis. Calabros famuli geminate trientis.

Instaurent positas fercula crebra dapes.

Numen adest, geminas uideo splendere lucernas,

Intueor triplici tempora cincta face.

Diue parens Martine ades, et tua pocula uise,

Te cyathi, et calices, te tua musta uocant.

Euge pater, bibt ipse pater, calicemq; supinat.

Quisquis adest cyathos sumite, adeste deo.

Dicimus bona uerba, precemur et otia pacis.

Pace penus grauida est, uinea pace nitet.

Pace fluunt tua uina pater, tu Gallica sedæ

Prælia, nam seruit Gallia cuncta tibi.

Annuit ipse deus. pueri noua uina ministrent.

Vos mecum alternas continuare uices.

### DE VENERE LAVANTE SE

in Eridano, et quiescente.